

**গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা।**

সংবাদ গতিধারা

ঢাকা, মঙ্গলবার ১৯ জানুয়ারি ২০১৬, ৬ মাঘ ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। পাবলিক বিশ্ববিদ্যালয়ের শিক্ষকদের ক্লাসে ফিরে যাওয়ার আহ্বান প্রধানমন্ত্রীর
- ২। কারো সঙ্গে বৈরিতা নয় সবার সঙ্গে বন্ধুত্ব : সৌদি জোট প্রশ্নে মন্ত্রিসভায় প্রধানমন্ত্রীর
- ৩। কেউ আইনের উর্ধ্বে নয় : স্বরাষ্ট্রমন্ত্রী
- ৪। এফটিএ না হওয়া পর্যন্ত বাংলাদেশকে শুক্রমুক্ত সুবিধা দেওয়ার প্রস্তাব বাণিজ্যমন্ত্রীর
- ৫। মুক্তিযোদ্ধাদের অবসরের বয়সসীমা বাড়ছে না
- ৬। শৃঙ্খলা ফেরাতে রাষ্ট্রায়ত্ব ব্যাংকগুলোকে কেন্দ্রীয় ব্যাংকের নির্দেশ
- ৭। এসআই মাসুদের বিরুদ্ধে মামলা নেওয়ার নির্দেশ হাইকোর্টের
- ৮। দেশের সর্ববৃহৎ ইয়াবা চালান আটক
- ৯। ভূমিকম্পে ঢাকায় বেশি মানুষ মারা যাবে আগনে পুড়ে : বিশেষজ্ঞদের মতামত
- ১০। প্রথম ডিজিটাল স্কুল হিসেবে উদয়নের যাত্রা শুরু
- ১১। নারী উদ্যোক্তাদের দক্ষতা বাড়াতে কাজ করবে মাইক্রোসফট ও এটুআই

১। পাবলিক বিশ্ববিদ্যালয়ের শিক্ষকদের ক্লাসে ফিরে যাওয়ার আহ্বান প্রধানমন্ত্রীর

‘দাবি মেনে নেওয়ার আশ্বাস’ দিয়ে শিক্ষকদের ক্লাসে ফিরে যাওয়ার আহ্বান জানিয়েছেন প্রধানমন্ত্রী শেখ হাসিনা। গতকাল ১৮ জানুয়ারি সোমবার গণভবনে বিশ্ববিদ্যালয় শিক্ষক সমিতি ফেডারেশন নেতাদের সঙ্গে সংক্ষিপ্ত আলোচনায় প্রধানমন্ত্রী এ আহ্বান জানান। তার বক্তব্যের পরিপ্রেক্ষিতে আজ মঙ্গলবার ১৯ জানুয়ারি বৈঠক করে নিজেদের সিদ্ধান্ত জানাবেন বিশ্ববিদ্যালয় শিক্ষকরা। বৈঠক শেষে প্রধানমন্ত্রীর প্রেস সচিব ইহসানুল করিম সাংবাদিকদের বলেন, শিক্ষকদের ৩ নম্বর গ্রেড থেকে ১ নম্বর গ্রেডে উন্নীতের জন্য পদোন্নতির সোপান তৈরির কথা বলেছেন প্রধানমন্ত্রী। সূত্র-সংবাদ (পৃ.১,ক.৬), প্রথম আলো (পৃ.১,ক.৫), ইভিপেনডেন্ট (পৃ.১,ক.১), ডেইলি স্টার (শেষ পৃ.ক.১), ইন্ডিফাক, আলেক্ট বাংলাদেশ, অবজারভার, বাংলাদেশ টুডে এ বিষয়ে লিড নিউজ ছেপেছে।

২। কারো সঙ্গে বন্ধুত্ব : সৌদি জোট প্রশ্নে মন্ত্রিসভায় প্রধানমন্ত্রী

সকলের সঙ্গে বন্ধুত্ব, কারো সঙ্গে বৈরিতা নয়; সংবিধান উদ্ভৃত করে প্রধানমন্ত্রী শেখ হাসিনা এ কথার মাধ্যমে সৌদি জোটে বাংলাদেশের অন্তর্ভুক্তি নিয়ে বিতর্কের অবসান ঘটালেন। গতকাল ১৮ জানুয়ারি সোমবার মন্ত্রিসভায় নিয়মিত সাম্প্রাহিক সভায় জনপ্রশাসন মন্ত্রী সৈয়দ আশরাফুল ইসলাম সৌদি জোটে বাংলাদেশের অন্তর্ভুক্তির প্রশ্নে সংসদের বাধ্যকতার প্রয়োজনীয়তা নিয়ে প্রশ্ন উত্থাপন করেন। সূত্র-ইন্ডিফাক (পৃ.১,ক.৮), প্রথম আলো (পৃ.২,ক.২), সমকাল (শেষ পৃ.ক.৫), ডেইলি স্টার (পৃ.৩,ক.১), ইভিপেনডেন্ট (পৃ.১,ক.৬)।

৩। কেউ আইনের উর্ধ্বে নয় : স্বরাষ্ট্রমন্ত্রী

এত বড় পুলিশ বাহিনীতে দু-একটি ঘটনা ঘটেই যায়। কিন্তু সে জন্য তো কাউকে ছাড় দেওয়া হচ্ছে না। পুলিশ হোক বা সরকারি কর্মকর্তা হোক, কেউ আইনের উর্ধ্বে নয়। বাংলাদেশ ব্যাংক কর্মকর্তা গোলাম রাবী ও ঢাকা দক্ষিণ সিটি করপোরেশনের পরিচ্ছন্নতা পরিদর্শক বিকাশ চন্দ্র দাসকে পুলিশের নির্যাতনের বিষয়ে গতকাল ১৮ জানুয়ারি সোমবার নিজ মন্ত্রণালয়ে সাংবাদিকদের আলোচনাকালে কথা বলেন স্বরাষ্ট্রমন্ত্রী আসাদুজ্জামান খান কামাল। সূত্র- প্রথম আলো (পৃ.৩,ক.১), সংবাদ (পৃ.১,ক.৫), ইভিপেনডেন্ট (পৃ.১,ক.১), অবজারভার (পৃ.১,ক.২)।

৪। এফটিএ না হওয়া পর্যন্ত বাংলাদেশকে শুক্রমুক্ত সুবিধা দেওয়ার প্রস্তাব বাণিজ্যমন্ত্রীর

মুক্ত বাণিজ্য চুক্তি স্বাক্ষর না হওয়া পর্যন্ত মালয়েশিয়ায় বাংলাদেশের সব রফতানি পণ্যের শুক্রমুক্ত বাজার সুবিধা দিতে সে দেশের সরকারের কাছে প্রস্তাব রেখেছেন বাণিজ্যমন্ত্রী তোফায়েল আহমেদ। দ্বিপাক্ষিক বাণিজ্য উন্নয়ন এবং এফটিএ স্বাক্ষরের বিষয়ে আলোচনার জন্য মালয়েশিয়ার আন্তর্জাতিক

বাণিজ্য ও শিল্পবিষয়কমন্ত্রী মোস্তফা মোহাম্মদের আমন্ত্রণে তোফায়েল আহমেদ বর্তমানে কুয়লালামপুর সফরে রয়েছেন। গতকাল ১৮ জানুয়ারি সোমবার মোস্তফা মোহাম্মদের সঙ্গে তার বাসভবনে দ্বিপাক্ষিক বাণিজ্য নিয়ে আলোচনায় বাংলাদেশের বাণিজ্যমন্ত্রী মালয়েশিয়ার মন্ত্রীর কাছে এই প্রস্তাব দেন। সূত্র-যুগান্তর (পৃ.১৬,ক.১), জনকর্ত (পৃ.১,ক.৫), ডেইলি সান (পৃ.৩,ক.১)।

৫। মুক্তিযোদ্ধাদের অবসরের বয়সসীমা বাড়ছে না

সরকারি চাকরিতে মুক্তিযোদ্ধাদের অবসরের বয়সসীমা আর বাড়ছে না। সর্বোচ্চ আদালতের আদেশে মুক্তিযোদ্ধাদের অবসরের বয়সসীমা ৬৫ বছরে উন্নীত করার প্রস্তাব মন্ত্রিসভায় উত্থাপন করা হলে তা নাকচ হয়ে যায়। প্রধানমন্ত্রী শেখ হাসিনার সভাপতিত্বে গতকাল ১৮ জানুয়ারি সচিবালয়ে অনুষ্ঠিত মন্ত্রিসভায় বৈঠক শেষে সাংবাদিকদের এ তথ্য জানান মন্ত্রিপরিষদ সচিব মোহাম্মদ শফিউল আলম। সূত্র-সংবাদ (শেষ পৃ.,ক.৫), প্রথম আলো (পৃ.২,ক.৮), জনকর্ত (পৃ.১,ক.৫), ডেইলি স্টার (পৃ.১,ক.৫), অবজারভার (পৃ.১,ক.২)।

চলমান পাতা

=৩=

৬। শৃঙ্খলা ফেরাতে রাষ্ট্রায়ন্ত্র ব্যাংকগুলোকে কেন্দ্রীয় ব্যাংকের নির্দেশ

খেলাপি ঝণ নিয়ন্ত্রণ, ঝণ বিতরণের লক্ষ্যমাত্রা পূরণ, কমপ্লায়েন্স পরিপালন, বাংসারিক আর্থিক প্রতিবেদন সময়মতো প্রকাশ ও মূলধন শক্ত অবস্থানে রাখাসহ সার্বিক বিবেচনায় রাষ্ট্রায়ন্ত্র ব্যাংকগুলোকে শৃঙ্খলা ফিরিয়ে আনতে কঠোর নির্দেশ দিয়েছে কেন্দ্রীয় ব্যাংক। গতকাল ১৮ জানুয়ারি সোমবার রাষ্ট্রায়ন্ত্র সোনালী, জনতা, অগ্রণী ও রূপালী এ চার ব্যাংকের সঙ্গে কেন্দ্রীয় ব্যাংকের সমরোতা স্মারকের পরিপালন বিষয়ে পর্যবেক্ষণ বৈঠকে এসব নির্দেশ দেওয়া হয়। সূত্র-সংবাদ (শেষ পৃ.,ক.১), নিউ এজ বিজনেস পাতা (পৃ.১,ক.৩)।

৭। এসআই মাসুদের বিরুদ্ধে মামলা নেওয়ার নির্দেশ হাইকোর্টের

বাংলাদেশ ব্যাংকের কর্মকর্তা গোলাম রাবীকে নির্যাতনের ঘটনায় মোহাম্মদপুর থানার সাময়িক ভাবে বরখাস্তকৃত এসআই মাসুদ শিকদারের বিরুদ্ধে তার লিখিত অভিযোগ এজাহার হিসেবে নেওয়ার নির্দেশ দিয়েছেন হাইকোর্ট। গতকাল ১৮ জানুয়ারি বিচারপতি সৈয়দ মোহাম্মদ দস্তগীর হোসেন ও বিচারপতি একেএম সাহিদুল হকের সমন্বয়ে গঠিত হাইকোর্ট বেঞ্চ এই রূল জারি করেন। সূত্র-সংবাদ (পৃ.১,ক.৩), ইতেফাক (পৃ.১,ক.১), ইডিপোনডেন্ট (পৃ.১,ক.৫), ডেইলি স্টার (শেষ পৃ,ক.৪)।

৮। দেশের সর্ববৃহৎ ইয়াবা চালান আটক

দেশের ইতিহাসে সর্ববৃহৎ ইয়াবা চালান আটক করেছে র্যাব। চট্টগ্রামের পতেঙ্গা ও ঢাকার

বিমানবন্দর এলাকা থেকে উদ্বার করা এ ইয়াবার পরিমাণ ২৮ লাখ পিস। গতকাল ১৮ জানুয়ারি সোমবার র্যাব সদর দফতরে আয়োজিত সংবাদ সম্মেলনে সংস্থাটির মহাপরিচালক বেনজির আহমেদ জানান, গত ১৮ দিনে ৯২ লাখ পিস ইয়াবা ট্যাবলেট উদ্বার করেছে র্যাব। সূত্র-যুগান্তর (শেষ পৃ.ক.৩), ইন্ডেফাক (পৃ.১ক.৬), ইন্ডিপেনডেন্ট (শেষ পৃ.ক.৭), ডেইলি স্টার (পৃ.১ক.৭) জনকষ্ঠ, ডেইলি সান এ বিষয়ে লিড নিউজ ছেপেছে।

৯। ভূমিকম্পে ঢাকায় বেশি মানুষ মারা যাবে আগুনে পুড়ে : বিশেষজ্ঞদের মতামত

ঢাকা শহর বড় ধরণের ভূমিকম্পের কবলে পড়লে ধ্বংসস্তুপের নিচে পড়ে যত মানুষ মারা যাবে, তার কয়েক গুণ মারা যাবে আগুনে পুড়ে ও বিদ্যুৎ স্পৃষ্ট হয়ে। ‘ভূমিকম্প মোকাবিলা : আমাদের করণীয়’ শীর্ষক এক কর্মশালায় বিশেষজ্ঞরা এসব কথা বলেন। গতকাল ১৮ জানুয়ারি সোমবার রাজধানীর গুলশানের স্পেস্ট্রো কনভেনশন সেন্টারে এই কর্মশালার আয়োজন করে ঢাকা উত্তর সিটি করপোরেশন, প্যান ইন্টারন্যাশনাল ও সোশ্যাল অ্যান্ড ইকোনমিক অ্যানহ্যাঙ্গ প্রোগ্রাম। সূত্র-সংবাদ (পৃ.১,ক.১), প্রথম আলো (পৃ.৯,ক.২), ইন্কিলাব (শেষ পৃ.ক.৫)।

১০। প্রথম ডিজিটাল স্কুল হিসেবে উদয়নের যাত্রা শুরু

প্রথম পূর্ণাঙ্গ ‘ডিজিটাল স্কুল’ হিসেবে যাত্রা শুরু করেছে রাজধানীর উদয়ন উচ্চ মাধ্যমিক বিদ্যালয়। গতকাল ১৮ জানুয়ারি সোমবার ঢাকা বিশ্ববিদ্যালয়ের নবাব নওয়াব আলী চৌধুরী সিনেট ভবনে স্কুলটিতে ডিজিটাল শিক্ষা কার্যক্রমের উদ্বোধন অনুষ্ঠানে প্রধান অতিথির বক্তব্যে তথ্য ও যোগাযোগ প্রযুক্তি প্রতিমন্ত্রী জুনাইদ আহমেদ পলক বলেন, দেশের দুই হাজার মাধ্যমিক বিদ্যালয়ের ‘কম্পিউটার ল্যাব ও ল্যাঙ্গুয়েজ ল্যাব’ প্রতিষ্ঠার উদ্যোগ নিয়েছে সরকার। সূত্র-প্রথম আলো (পৃ.৮,ক.৫), যুগান্তর (পৃ.১৬,ক.৮), ডেইলি সান (পৃ.৩,ক.৬), নিউজ টুডে (পৃ.৩,ক.১)।

=8=

১১। নারী উদ্যোক্তাদের দক্ষতা বাড়াতে কাজ করবে মাইক্রোসফট ও এটুআই

সারা দেশের ৫ হাজার ২৭৩টি ডিজিটাল সেন্টারের নারী উদ্যোক্তাদের দক্ষতা বাড়াতে কাজ করবে অ্যাকসেস টু ইনফরমেশন প্রকল্প এবং মাইক্রোসফট বাংলাদেশ। গতকাল ১৮ জানুয়ারি সোমবার রাজধানীতে প্রধানমন্ত্রীর কার্যালয়ে এ বিষয়ে মাইক্রোসফট এবং এটুআইয়ের মধ্যে চুক্তি হয়েছে। চুক্তির আওতায় ডিজিটাল সেন্টারের নারী উদ্যোক্তাদের কম্পিউটার যন্ত্রাংশ ও সফটওয়্যারের ওপর প্রশিক্ষণ দেওয়া হবে। সূত্র-প্রথম আলো (পৃ.১৫,ক.৬), ইন্কিলাব (পৃ.৩,ক.৬), ডেইলি স্টার বিজনেস পাতা (পৃ.১ ক.১) অবজারভার বিজনেস পাতা (পৃ.১,ক.১)।

সম্পাদকীয়

- ক. **প্রথম আলো :** ভূমি বিরোধ নিষ্পত্তি কমিশন আইনটি সংশোধনের ব্যাপারে রাজনৈতিক সদিচ্ছার প্রয়োজন বলে ঘূর্ণ প্রকাশ।
- খ. **ইত্তেফাক :** দিনাজপুর শিক্ষা বোর্ডের চেয়ারম্যানের আগমন উপলক্ষে জলটাকা উপজেলায় বিভিন্ন শিক্ষা প্রতিষ্ঠানের শিক্ষার্থীদের সংবর্ধনা দেওয়ার জন্য দীর্ঘক্ষণ রাস্তায় দাঁড় করিয়ে রাখার নিম্ন জানিয়ে এ ধরণের কাজ শিশু নির্যাতনের পর্যায়ে পড়ায় তা বন্ধ করার দাবি।
- গ. **সংবাদ :** একই জমি বন্ধক রেখে এবং অন্যের জমি বন্ধক রেখে একাধিক ব্যাংক থেকে ঝণ নেওয়ার চাপ্টল্যকর তথ্য উৎঘাটিত হওয়ার কথা উল্লেখ করে অর্থ ঝণ আদালতের পরিবর্তে এ ধরণের ঝণ জালিয়াতির দ্রুততম বিচারের স্বার্থে ফৌজদারি আইনে করার সুপারিশ।
- ঝ. **সমকাল, ফিনানশিয়াল এক্সপ্রেস :** ঢাকা ও চট্টগ্রামের কয়েকটি নামি বেসরকারি শিক্ষা প্রতিষ্ঠানের ছাত্রছাত্রীদের কাছ থেকে উচ্চ হারে মাসিক বেতন ও অন্যান্য ফি আদায় বন্ধে হাইকোর্ট নির্দেশ দেওয়ায় স্বাগত জানিয়ে অবিলম্বে তা কার্যকর হবে বলে প্রত্যাশা ব্যক্ত।
- ঙ. **ডেইলি স্টার :** বাংলাদেশ সেতু কর্তৃপক্ষ ইলেকট্রিসিটি বাঁচানোর অজুহাতে বঙ্গবন্ধু সেতুর ওপর দু'পাশের বেশ কিছু লাইট দিনের বেলায় বন্ধ রাখায় কুয়াশায় প্রায়ই সড়ক দুর্ঘটনা ঘটছে উল্লেখ করে অবিলম্বে এ ব্যাপারে কার্যকর পদক্ষেপ নেওয়ার সুপারিশ।
- চ. **নিউএজ, ডেইলি সান, নিউজ টুডে :** জনগণের নিরাপত্তার দায়িত্বে নিয়োজিত আইন শৃঙ্খলা রক্ষাকারী বাহিনীর কতিপয় সদস্যের নানা অপকর্মের কারণে এ বাহিনীর ওপর মানুষের আহ্বানতার সাথে সাথে এ বাহিনীর মর্যাদা ক্ষুণ্ণ হওয়ায় উদ্বেগ প্রকাশ করে একটি সুশৃঙ্খল, সং পুলিশ বাহিনী গড়ে তোলার ওপর গুরুত্বারোপ করে সম্পাদকীয় প্রকাশ করেছে।

উপ-সম্পাদকীয়

যুগান্তর পত্রিকায় প্রকাশিত কলামে পুলিশ যদি তার নির্ধারিত দায়িত্ব যথাযথভাবে পালন করে তাহলে সমাজের সব ক্ষেত্রে নিয়ম শৃঙ্খলা বিরাজ করবে বলে উল্লেখ করা হয়েছে।

নিবন্ধ ও ফিচার

ইত্তেফাক পত্রিকায় প্রকাশিত ‘বিজ্ঞান শিক্ষার প্রতি নজর দিন’ শিরোনামের নিবন্ধে মামুনুর রশিদ বিজ্ঞান শিক্ষা ও গবেষণার প্রতি পর্যাপ্ত গুরুত্ব না দিলে ডিজিটাল বাংলাদেশ গড়ার সবরকম প্রচেষ্টা ব্যর্থ

হবে বলে অভিমত প্রকাশ করেছেন।

#

শুকলা/মরজিনা/সাইদা/রশীদ/২০১৬/৯.০০ ঘণ্টা